



REPUBLIKA E KOSOVËS
REPUBLIKA KOSOVA/ REPUBLIC OF KOSOVO
KOMUNA E GJAKOVËS
OPŠTINA DJAKOVICA/MUNICIPALITY OF GJAKOVA



Nr. Prot. 04/127
Me dt.28.05.2026

Duke u bazuar në dispozitat e nenit 62 paragrafi 62.3 të Ligjit Nr.03/L-040 për Vetëqeverisjen Lokale, nenin 7 të Rregullore Për Ndarjen e Subvencioneve të Komunës së Gjakovës me numër të protokollit 01 Nr.110/01-3560 të dt.04.02.2020, Drejtoria e Arsimit shpall:

THIRRJE PËR APLIKIM

PËR NDARJEN E BURSAVE PËR STUDENTË TË KOMUNËS SË GJAKOVËS

I. Komuna e Gjakovës ndanë **100 (njëqind) bursa** për studentë të cilët studiojnë në Universitetet Publike të Kosovës për vitin akademik **2025/2026**, në këto fusha studimi:

1. *Fakulteti i Arteve - 3 bursa*
2. *Fakulteti i Shkencave Sportive - 3 bursa*
3. *Fakulteti i Ndërtimtarisë dhe Arkitekturës - 10 bursa*
4. *Fakulteti i Inxhinierisë Mekanike - 5 bursa*
5. *Fakulteti i Inxhinierisë Elektrike dhe Kompjuterike - 10 bursa*
6. *Fakulteti i Bujqësisë dhe Veterinarisë - 2 bursa*
7. *Fakulteti i Mjekësisë dhe Infermierisë - 15 bursa*
8. *Fakulteti i Shkencave Matematiko - Natyrore - 12 bursa*
9. *Fakulteti Filologjik - 3 bursa*
10. *Fakulteti Filozofik - 3 bursa*
11. *Fakulteti Ekonomik - 3 bursa*
12. *Fakulteti Juridik - 3 bursa*
13. *Fakulteti i Edukimit - 11 bursa*

14. Fakulteti i Shkencave Sociale - 3 bursa
15. Fakulteti i Shkencave të Jetës dhe Mjedisit - 3 bursa
16. Fakulteti i Shkencave Kompjuterike - 6 bursa
17. Komunitetet jo shumicë - 5 bursa

II. Vetëm studentët/et që janë banorë të Komunës së Gjakovës, pa kurrfarë dallimesh etnike, gjinore, fetare dhe politike, që janë të regjistruar në fakultete të Universiteteve Publike të Republikës së Kosovës, *duke përjashtuar studentët në studime pasuniversitare - master dhe doktoratë*, kanë të drejtë të konkurrojnë për ndarjen e bursave të studimeve.

III. Kriteret e përgjithshme:

1. Të kenë regjistruar vitin akademik për të cilin jepet bursa;
2. Të mos jenë shfrytëzues të ndonjë burse tjetër ose të jenë të punësuar;
3. Të mos jenë përsëritës të vitit akademik;
4. Të paraqesin dëshmi për gjendjen ekonomike-sociale të familjes;
5. Studentët që janë regjistruar për herë të parë në fakultete, *viti i I-rë, duhet të kenë minimum 5 provime të përfunduara* si dhe të kenë dëshminë e suksesit të shkollës së mesme (Kopjet e vërtetuara të dëftesave dhe diplomën)

IV. Kriteret për ndarjen e bursave janë:

- a. Nota mesatare prej 9 - 10 në fakultete ose suksemi i shkëlqyeshëm (20) pikë
- b. Nota mesatare prej 8 - 9 në fakultete ose suksemi shumë i mirë (15) pikë
- c. Nota mesatare prej 7 - 8 në fakultete ose suksemi i mirë (10) pikë
- d. Rastet me gjendje të vështirë ekonomike dhe sociale (20) pikë
- e. Fëmijët pa prind..... (20) pikë
- ë. Personat me aftësi të kufizuara..... (15) pikë

Në kushtet e barabarta të vlerësimit të kriterëve, përparësi kanë *fëmijët e dëshmorëve, invalidëve të luftës, veteranëve të luftës dhe familjeve që kanë dy apo më tepër studentë.*

V. Dokumentet e nevojshme dhe të domosdoshme për aplikim:

1. Aplikacioni sipas formës së Komunës;
2. Kopja e ID-ës së studentit;
3. Kopja e letërnjoftimit;
4. Ekstrakti i lindjes (jo certifikatë);
5. Deklarata e bashkësisë familjare;
6. Vërtetimi që studenti ka regjistruar vitin akademik 2025/2026, sipas vitit të aplikimit për bursë (origjinale);
7. Certifikata e notave (origjinale);
8. Vërtetimi që studenti nuk është përfitues i bursës nga Universiteti apo MASHTI;
9. Certifikata / Diplomave për përfundimin e shkollës së mesme të lartë (kopje). *Çdo aplikacion në mungesë të këtij dokumenti konsiderohet që nuk është banor i Komunës së Gjakovës për më tepër se 10 vite;*
10. Vërtetimit nga Administrata Tatimore që nuk jeni në marrëdhënie pune;
11. *Për anëtarin e ngushtë të familjes së dëshmorëve:*
Vendimi / Vërtetimi se është anëtar i ngushtë i familjes së dëshmorëve;
12. *Për anëtarin e ngushtë të familjes në asistencë sociale:*
Vendimi / Vërtetimi që dëshmon se aktualisht është shfrytëzues i ndihmës sociale (origjinale);
13. *Për studentët e regjistruar për herë të parë në vitin akademik aplikues, duhet të kenë minimum 5 provime të përfunduara, kopjet e vërtetuara të dëftësave dhe të diplomës për përfundimin e shkollës së mesme;*
14. *Për studentë me nevoja të veçanta:*
Vendimi / Vërtetimi zyrtar nga Ministria e Punës dhe Mirëqenies Sociale;

VI. Afati për aplikim dhe mënyra e dorëzimit të dokumenteve:

- Thirrja mbetet i hapur 15 ditë kalendarike nga dita e shpalljes në tabelën e shpalljeve në Drejtorinë e Arsimit, në mjetet e informimit publik dhe në web-faqen e Komunës së Gjakovës: <https://kk.rks-gov.net/gjakove/>
- Thirrja mbetet i hapur prej dt. 28.05.2026 e deri më dt. 11.06.2025.
- Aplikacioni i kërkesës merret në Drejtorinë e Arsimit në Gjakovë dhe i plotësuar dorëzohet në zyrën për pranim dhe arkiv në objektin e Komunës së Gjakovës çdo ditë pune prej orës 08:00 deri 15:00.

VËREJTJE: Dokumentet e pakompletuara sipas pikës V të këtij konkursi dhe ato të dorëzuara pas afatit zyrtar nuk do të shqyrtohen.

Komisioni Vlerësues:

Përzgjedhja e përfituesve bëhet nga komisioni vlerësues i propozuar nga ana e njësisë kërkuese duke u aprovuar me vendim nga ana e Kryetarit të Komunës. Komisioni vlerësues nuk është organ i përhershëm, por emërohet pas publikimit të thirrjes për aplikim dhe shpërbëhet menjëherë pas përfundimit të procedurës së vlerësimit. Komisioni vlerësues është përgjegjës për menaxhimin e vlerësimit, përgatitjen e listës së shkurtë dhe listës së përfituesve përfundimtar. *Në rast kur në një profil të caktuar nuk ka aplikues/përfitues të bursës, atëherë komisioni i vlerësimit ka të drejtën e rialokimit (shpërndarjes) të bursave tek profilet me prioritet.* Në përfundim të procedurës së vlerësimit, Komisioni pas shqyrtimit të kërkesave përpilon një raport/procesverbal të punës dhe të njëjtin e dorëzon tek Drejtori i njësisë përkatëse, i/e cili/a mbi bazën e rekomandimeve nga raporti, ia përcjell dokumentacionin Kryetarit për vendimmarrje.

Kandidatëve të cilëve iu ndahet bursa për kushtet e shfrytëzimit do të nënshkruajnë kontratë të veçantë, ku do të precizohen kushtet, obligimet dhe detyrat e dyanshme.

Me respekt!

Drejtori i Drejtorisë së Arsimit

Hysen Brahimaj

